

Broj: 41/26

Sarajevo, 05.02.2026. godine

PREDMET: Zahtjev za dostavu ponuda za nabavku i isporuku pčelarskih procesnih mašina za proizvodnju pogača za pčele

Poštovani ponuđači,

Nevladina organizacija Muslim Aid Association poziva ponuđače da dostave svoju ponudu za nabavku i isporuku mašina za pčelarstvo za potrebe projekata za 2026. godinu, a u skladu sa tehničkom specifikacijom koja je data u nastavku ovoga zahtjeva.

1. Predmet poziva

- 1.1. Pozivom se obavlja izbor najpovoljnijeg dobavljača za nabavku i isporuku pčelarskih mašina za potrebe projekata „Pčelarstvo i ruralni razvoj“ u 2026. godini,
- 1.2. Javni poziv je raspisan u dva LOT-a koji se odnose na područja aplikacije projekta: Zenica i Travnik
- 1.3. Rok nabavke i isporuke pčelarskih mašina je najkasnije 60 dana od dana potpisivanja Ugovora sa dobavljačem,
- 1.4. Mjesto isporuke je područje BiH, gradovi gore navedeni. Kupac će naknadno dostaviti tačne lokacije/adrese odabranih korisnika projekta za isporuku pčelarskih procesnih mašina. Lokacije naknadno mogu biti korigovane o čemu će dobavljač biti obaviješten,
- 1.5. Rok važenja ponude je tokom cjelokupnog perioda trajanja projekta/do kraja 2026. godine.

2. Tehnička specifikacija

Ponuđač je dužan da dostavi ponudu za procesnu liniju za proizvodnju pogača od šećera za pčele prema sljedećoj specifikaciji:

Mašina u obliku linije za proizvodnju šećernih pogača mora se sastojati od sljedećih dijelova sa pripadajućim karakteristikama:

1. Duplikator sa mješačem zapremine minimalno 200 litara,
 - duplikator mora biti u konstrukciji izvedbi posude sa 3 zida i sa termoizolacijom sa mjerenjem i regulacijom temperature u 2 tačke i vremenskim relejem za diskontinuirani rad,
 - duplikator mora biti opremljen digitalnom termoregulacijom u rasponu 0-150°C sa materijom izrade od Inoxa u u formi kiselo otpornog-antimagnetnog u kvalitetu AISI304,
 - duplikator mora biti opremljen mješačem koji omogućava mješanje medija u horizontalnoj i vertikalnoj ravni,
 - duplikator mora biti konstruisan da omogućava neometano stavljanje medija u njega kao i njegovo isticanje bez zaostataka,
 - duplikator mora biti prilagođen za enzimsko invertovanje šećera.

2. Mješač za pogače zapremine minimalno 100 litara sljedećih karakteristika:
 - postoje mora biti izrađeno od inoxa i na njega montorani svi ostali dijelovi,
 - posuda sa duplim zidom i grijačem snage 6 kW u njemu za horizontalno miješanje i prihvata medija u zapremini od 100 litara sa automatskim dozerom u kesice,
 - motor mješača mora biti snage minimalno 3kW sa reduktorom na 30o/min.
 - na dnu mješača mora da se nalazi spiralni dozator koji prihvata masu pogače i transportuje je do automatskog dozera.
3. Mlin za šećer sljedećih karakteristika:
 - minimalni pakacitet mlin je 300 kg šećera u prahu na sat,
 - mlin je turbinskog tipa rada,
 - granulacija sita je 0,5mm
 - mlin mora da svojim dizajnom i izvedbom obezbijedi da ne dolazi do zagrijavanja šećera i njegovog lijepljenja za zidove.
4. Ravnalica za ravnanje pogača sa varilicom sljedećih karakteristika:
 - varilica radi na pneumatski pogon sa nožnim starterom,
 - mora da sadrži vremenski relej koji reguliše period hlađenja vara kesice,
 - prečnik valjaka za ravnanje mora biti minimalno 200mm,
 - valjci za ravnanje moraju omogućavati njihovo pomjeranje i štimanje prema potrebama,
 - mora biti kompaktne izvedbe koja omogućava da se na jednom mjestu nalazi i varilica i ravnalica.
5. Radni stol sljedećih karakteristika:
 - Dimenzija 1800x700x850 mm
 - Izrađen u formi Inoxa kiselo otpornog-atimagnetnog u kvalitetu AISI 304 debljine 1.5mm minimalno,
 - Materijal izrade konstrukcije su inoxne cijevi 40*40 mm sa varenim dijelovima
6. Pribor za vaganje sljedećih karakteristika:
 - Podna vaga sa platformom dimenzija 600x600 mm kapaciteta min 150kg
 - Stolna precizna vaga tase 255*190mm sa funkcijama konverzije jedinice, procenata, brojanja komada, podioka 0,1g i kapaciteta minimalno 6000 g.

Svi dijelovi koji dolaze u dodir sa šećerom ili voskom moraju da budu izrađeni od antimagnetnog kiselo otpornog inoxa u oznaci AISI304.

Potrebna količina je 2 komada.

Dodatne usluge koje dobavljač mora da obezbijedi:

- Garantni period: 12 mjeseci nakon puštanja u rad linije,
- Ovlašteni servis: mora biti obezbijeđen od strane dobavljača,
- Isporuka: Do mjesta puštanja u rad linija
- Edukacija radnika: Dobavljač mora da obezbijediti edukaciju radnika u trajanju dok radnici koji će raditi na liniji ne usvoje potrebna znanja za samostalno rukovanje,

- Savjetovanje i podrška: Dobavljač mora da obezbijediti savjetovanje i podršku za radnike na liniji u trajanju od najmanje 12 mjeseci

Muslim Aid Association zadržava pravo da prije nabavke linija za proizvodnju pogača od dobavljača zatraži prezentaciju rada linija sa njihovim karakteristikama kako bi donio konačnu odluku. Muslim Aid Association može u posebnim slučajevima u ovisnosti od vlastitih potreba naručiti samo pojedine dijelove gore navedene linije za proizvodnju pogača.

2. Priprema i dostavljanje ponuda

- Ponuđači snose sve troškove vezane za pripremu i dostavljanje njihovih ponuda. Kupac nije odgovoran snositi niti jedan dio troškova pripreme i dostavljanja ponuda. Ponude se podnose za sve 2 procesne mašine skupa i ne mogu se podnositi za pojedinačne procesne mašine.
- Prilikom pripreme ponude ponuđač se mora pridržavati uslova i teksta javnog poziva. Ponuđač ne smije mjenjati ili nadopunjavati tekst tenderske dokumentacije. Ponuda mora da čini cjelinu isprintanu na format papira A4. Cjelokupan sadržaj ponude mora biti uvezan na način da se onemogući naknadno vađenje ili umetanje sadržaja. Cijeli tekst koji sadrži ponuda mora biti jasan i vidljiv. Ponuđači su dužni dostaviti original dokumente ili kopije. Sve kopije dokumenata moraju biti ovjerene kod nadležnog organa uprave. Datum ovjere ne smije biti stariji od dana objavljivanja javnog poziva za izbor najpovoljnijeg dobavljača pčelarskih mašina. Sve stranice moraju biti numerisane na način da je vidljiv redni broj strane ili lista.
- Ponuda koju dostavljaju ponuđači mora sadržavati najmanje:
 - Prijava dobavljača na javni poziv,
 - Porezni i identifikacijski broj poslovnog subjekta,
 - Rješenja o upisu u sudski registar ili aktuelni izvod iz sudskog registra ili drugi odgovarajući dokument iz kojeg je vidljivo da je registrovan za obavljanje tražene djelatnosti,
 - Izjavu o podobnosti (pečat i potpis odgovornog lica),
 - Potvrda da ponuđaču ili odgovornoj osobi nije izrečena presuda za krivična djela kao i da se trenutno protiv ponuđača ne vodi krivični spor,
 - Potvrda da ponuđač nije pod stečajem, niti je predmet stečajnog postupka,
 - Potvrda da ponuđač nema obaveza prema poreskoj evidenciji i evidenciji indirektnih poreza,
 - Bilans stanja, bilans uspjeha za 2024. ili 2025. godinu,
 - Dosadašnje reference u oblasti nabavke i isporuke mašinu u pčelarstvu i ostale procesne opreme/procesnih linija,
 - Atesti i certifikati za mašine,
 - Izjava da ponuda važi za 2026. godinu,
 - Dodatne pogodnosti koje nudi dobavljač.
- Ponuda se dostavlja u originalu. Koverta sa ponudom se dostavlja na adresu:
Nevladina organizacija „Muslim Aid Association“
Koševo 10, 71000 Sarajevo, BiH
Sa naznakom „Ponuda za nabavku i isporuku pčelarskih procesnih mašina za projekat „Pčelarstvo i ruralni razvoj““

Na koverti mora biti naznačen naziv i adresa ponuđača ponude.

e. Dopune i izmjene ponude

Ponuđači mogu izmjeniti ili dopuniti svoje ponude prije isteka roka za dostavljanjem ponuda. Izmjene i dopune se dostavljaju na isti način kao i osnovna ponuda sa obaveznom naznakom da se radi o izmjeni ili dopuni ponude. Ponuđač može u istom roku odustati od svoje ponude na način što će dostaviti pisanu izjavu o odustajanju na javnom pozivu.

f. Odredbe koje se odnose na grupu ponuđača

Grupa ponuđača je dva ili više privrednih subjekata, kao ponuđača, koji su dostavili zajedničku ponudu. Ponuda mora sadržavati podatke o svakom članu grupe ponuđača pojedinačno kako je navedeno u članu 3.3. Ponuda grupe ponuđača mora sadržavati podatke o tome koji član grupe ponuđača je nosilac ponude/predstavnik grupe ponuđača. Članovi grupe ponuđača su dužni u obliku pravnog akta dostaviti zajedničku ponudu koja mora sadržavati naziv nosioca ponude, odgovornost pojedinačno svakog člana iz zajedničke ponude i udio svakog člana u zajedničkoj ponudi. Ponuđač koji je samostalno podnio ponudu ne može biti član grupe ponuđača u istom postupku javne nabavke. Grupa ponuđača odgovara za svoje obaveze.

g. Rok za dostavljanje ponuda

Rok za dostavljanje ponuda je 18.02.2026. godine do 15:00 sati. . Otvaranje ponuda izvršit će se nakon isteka roka za dostavljanje ponuda. Komisija za sprovođenje poziva za ponudu će sve prispjele ponude provjeriti i analizirati, te o najpovoljnijoj izabranoj ponudi obavijestiti sve učesnike koji dostave svoje ponude.

h. Kriterij dodjele ugovora

Ugovor o kupovini i isporuci pčelarskih mašina će biti dodjeljen ponuđaču koji zadovolji najoptimalniji odnos između ponuđene robe i cijene iste. Kriterij za odabir ponude biti će zasnovan na sljedećim parametrima:

- Kvalitet i sposobnost-60%
- Cijena-40%

Godine iskustva-max. 20 bodova:

- Više od 20 godina- 20 bodova,
- 15-19 godina-15 bodova,
- 10-14 godina-10 bodova,
- 5-10 godina-6 boda.
- 0-4 godine-2 bod.

Količina do sada isporučene procesne opreme¹:

- 1 procesna linija – 2 bod-a.
- Maksimalan broj bodova: 20 bodova.

Dokaz o količini isporuke mogu biti reference kupca koje navode količinu ili kopije fakture ili ugovora iz kojh se jasno vidi količina isporučene procesne opreme. Sve ostale stavke u istima moraju biti markirane (zatamnjene) kako bi se zaštitili podaci.

¹ Procesna oprema je oprema koja čini proizvodnu liniju određenog proizvoda, uključujući sve njene sastavne dijelove, i koja direktno učestvuje u procesu izrade i finalizacije proizvoda.

Broj referenci:

- 1 referenca- 1 bod
- Maksimalan broj bodova: 20 bodova

Ponuđena cijena-max. 40 bodova:

- Bodovi= 40 x najniža ponuđena cijena/ponuđena cijena ponuđača

Nakon toga ponuđači će biti obavješteni o odluci kupca i rezultatu javnog poziva za nabavku i isporuku pčelarskih mašina najkasnije do 24.02.2026. godine do 15.00 sati. Svi ponuđači biti će obaviješteni putem pošte. Sa odabranim ponuđačem kupac će potpisati Ugovor za nabavku i isporuku linija za proizvodnju pogača za pčele u 2026. godini.

Sve informacije vezane za ovaj javni poziv mogu se dobiti pismenim putem na mail officebih@muslimaid.com.